

INSTRUCCIÓN CONXUNTA 2/2020, DA XERENCIA DO SERVIZO GALEGO DE SAÚDE E DA AXENCIA DO COÑECEMENTO EN SAÚDE SOBRE DETERMINADAS MEDIDAS A LEVAR A CABO EN PRÁCTICAS DE CICLOS FORMATIVOS, PREGRAO E MÁSTER, FORMACIÓN SANITARIA ESPECIALIZADA E FORMACIÓN CONTINUÁ COMO CONSECUENCIA DA CRISE SANITARIA ORIXINADA POLO CORONAVIRUS SARS-CoV-2

A Resolución Conxunta da Xerencia do Servizo Galego de Saúde (SERGAS) e da Axencia do Coñecemento en Saúde (ACIS) do día 12 de marzo de 2020 establecía determinadas medidas a levar a cabo en prácticas de ciclos formativos, pregrao e máster, formación sanitaria especializada e formación continuá como consecuencia da crise sanitaria orixinada polo COVID-19.

Por Acordo do Consello da Xunta de Galicia do 13 de marzo de 2020 declarouse a situación de emerxencia sanitaria no territorio da Comunidade Autónoma de Galicia e activouse o Plan territorial de emerxencias de Galicia (Platerga) no seu nivel IG (emerxencia de interese galego).

Posteriormente decrétese en todo o territorio nacional o estado de alarma para a xestión da situación de crise sanitaria ocasionada polo COVID-19 (Real decreto 463/2020, do 14 de marzo modificado polo Real decreto 465/2020, do 17 de marzo) e que foi prorrogado polo Congreso dos Deputados ata o 11 de abril. Neste real decreto se contempla unha serie de medidas dirixidas para protexer a saúde e seguridade dos cidadáns, conter a progresión da enfermidade e reforzar o sistema de saúde pública. Entre estas medidas no seu Artigo 9. Medidas de contención no ámbito educativo e de formación, suspéndese a actividade educativa presencial en tódolos centros, etapas, ciclos, graos, cursos e niveis de ensinanza, incluída a ensinanza universitaria así como as outras actividades educativas ou de formación impartidas en centros públicos ou privados. Durante o período de suspensión manteranse as actividades educativas a través das modalidades a distancia e online, sempre que sexa posible.

O Ministerio de Sanidade, na súa Orde SND/232/2020, do 15 de marzo (BOE núm. 68, do 15 de marzo) modificada pola Orde SND/299/2020, do 27 de marzo (BOE núm. 88, do 30 de marzo) vén de establecer determinadas medidas especiais en materia de recursos humanos para reforzar o Sistema Nacional de Saúde. No punto segundo da devandita orde alúdese as varias medidas en relación aos profesionais sanitarios en formación (residentes).

Por todo isto, compre actualizar estas medidas co fin de que se teña en conta toda a normativa que se orixinou con posterioridade a data da firma da resolución do 12 de marzo de 2020 e procede ditar as seguintes

INSTRUCCIÓN

Primeira. Competencia

A Axencia do Coñecemento en Saúde (ACIS) ten as competencias de coordinación, desenvolvemento e exercicio das funcións relacionadas coas prácticas de ciclos formativos, prácticas pregrao e máster, formación sanitaria especializada e formación continua que se desenvolvan nos centros da Consellería de Sanidade ou do Servizo Galego de Saúde.

Segunda. Prácticas de ciclos formativos, pregrao e máster

a) *Prácticas de ciclos formativos e prácticas de grao e de máster de universidades pertencentes ao sistema universitario galego:* as prácticas que se realicen en calquera centro de Galicia dependente da Consellería de Sanidade ou do Servizo Galego de Saúde por parte de estudantes de titulacións de ciclos formativos e de graos e másters de universidades galegas suspéndense durante o tempo no que estea decretado o estado de alarma.

b) *Prácticas de grao de universidades non pertencentes ao sistema universitario galego:*

Suspéndense tódalas prácticas de grao de universidades non pertencentes ao sistema universitario galego nos centros de Galicia dependentes da Consellería de Sanidade ou do Servizo Galego de Saúde tanto reguladas por convenios de colaboración como as prácticas de carácter ocasional reguladas pola *Orde do 13 de novembro de 2007 polo que se establece o procedemento para a tramitación e xestión das solicitudes de formación práctica de alumnos/as de universidades non pertencentes ao sistema universitario de Galicia* durante o tempo no que estea decretado o estado de alarma.

Así mesmo, queda suspendida a tramitación de novas solicitudes de prácticas, con independencia da súa data de realización, durante o tempo no que estea decretado o estado de alarma.

Terceiro. Formación sanitaria especializada

a) *Rotacións de residentes*

Suspéndense tódalas rotacións en curso ou programadas dos residentes para que estes poidan prestar servizos en aquelas unidades nas que se precise un reforzo do persoal derivado das necesidades asistenciais tal e como indican as ordes ministeriais [SND/232/2020](#), do 15 de marzo e [SND/299/2020](#), do 27 de marzo. Isto implica que quedan suspendidas tódalas rotacións (internas e externas) con centro de destino ou centro de orixe os centros da Consellería de Sanidade e do Servizo Galego de Saúde.

As medidas incluídas na presente orde resultarán de aplicación por un prazo inicial de tres meses a partir da entrada en vigor da mesma, podendo ser prorrogadas polo titular do Ministerio de Sanidade por sucesivos períodos de tres meses ou inferiores en función das necesidades organizativas e asistenciais derivadas da evolución da crise



sanitaria. Por tanto, a día de hoxe, tódalas rotacións quedan suspendidas ata o 15 de xuño de 2020.

Así mesmo, queda suspendida a tramitación de novas solicitudes de rotacións, con independencia da súa data de realización, durante o tempo no que estea decretado o estado de alarma.

b) Estancias formativas de estranxeiros en España

Suspéndense tódalas estancias formativas de estranxeiros en centros de Galicia dependentes da Consellería de Sanidade ou do Servizo Galego de Saúde no primeiro semestre do 2020. No caso das estancias formativas autorizadas polo Ministerio de Sanidade iniciadas ou pendentes de incorporación, as persoas afectadas deberán notificar esta circunstancia a estanciasformativas@mscbs.es.

As estancias formativas para o segundo semestre do 2020, están paralizadas polo Ministerio de Sanidade por motivos de avaliación do procedemento actual.

Cuarto. Formación continua

Suspéndense tódolos cursos presenciais que se realicen en calquera centro sanitario de Galicia durante o tempo no que estea decretado o estado de alarma polo Goberno de España e, en todo caso, polo menos durante o mes de abril de 2020. Os cursos mixtos, sempre que sexa posible, pasarán á modalidade de teleformación.

Quinto. Temporalidade

A presente instrución ten carácter provisional polo que pode ser modificada segundo evolucione a crise sanitaria orixinada polo COVID-19 e/ou pola normativa autonómica ou nacional que lle sexa de aplicación.

Santiago de Compostela, na data que se indica na sinatura dixital.

O xerente do Servizo Galego de Saúde A xerente da Axencia de Coñecemento en Saúde

Antonio Fernández
Campa-García Bernardo

Beatriz Allegue Requeijo

